

QVÆSTIO MEDICA

QVODLIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XVIII. NOVEMBRIS.

M. LVDOVICO GALLAIS Doctore Medico, Moderatore.

Est ne homo exquisitissimi tactus quia rationis compos?

1109

Q VEMADMODVM respublica non vno ciuium, sic nec corpus humanum vno partium genere constat: aliæ ex elementis simpliciores, aliæ ex aliis magis ac magis compositæ coalescunt, non ad otiosum quoddam depressi in terram animi domicilium, sed quò sit dignum tanto opifice instrumentum. Huic elaborando sic studuit sapiens Natura, vt vel Momo placere debeat elegans, ac concinna partium, quibus constat, descriptio longè quidem à belluarum corporibus diuersa, illa quippe cælesti animæ data, non modo ad vitæ sensuumque munus, verùm & ad expediendas mentis immortalis functiones: cui ne esset impedimento prona, nec fatisa accurata corporis compages, os homini sublime datum, cum eâ qualitarum temperatione quæ sapientiæ magis congrueret: vt si subtilem adeò, solertemque perpenderis tot organorum structuram, ex hac vna tibi fatendum sit Hominem diuinum esse animal, quod cæteris antecellit singulari quadam conformationis, & temperiei ratione, vnâque intelligendi facultate ad Deum propius accedit.

O PTIMA est temperies, quæ ad animantis cuiusque mores, atque ingenium accommodatur: sic Leonis ferocis, & impotentis calidissima; Asini tardi, & clitarum patientis frigidior. Hominem ad artes, & societatem natum quid iuuisset tantus à medio qualitarum recessus? multo magis deuit sic remitti, vt auream illam mediocritatem conflarent, quæ commodè rationi subseruit, cæterarumque princeps est temperationum. Calidior desultorium ac præcipitem, frigidior plumbeum fecisset hominem, illa optima sapientem. Neque tamen aut pari elementorum pondere æstimanda, aut æquâ ad vnquem qualitarum mensurâ, sed quodam veluti iustitiæ ritu qui homini suppeditat vberem vitæ fundum, quo sic temperati corporis munita pars quælibet, sufficienti caloris spirituumque præsidio viget, tum ad succi cuiusvis perfectam elaborationem, tum ad vitæ diuturnitatem, quam homo si Naturæ ausculter, animanti nulli inuideat. Ita nempe caloris natui munia pulcherrimè exequitur. Sensuum pene: omnium perfectione cumulatus, tactus certè maximâ: rarior scilicet delicatiorque ex sincero sanguine singularum fabrica partium, aptiores eas reddit percipiendis rebus, quarum imagines per spiritus, ceu per nuntios, bonâ fide transmittuntur in cerebrum, ad sacra intellectionis peragenda: cui diuino muneri, tactus sensuum communissimus, eò maiorem confert operam, quò magis est ad vitam necessarius, exquisitoque temperamento confociatus.

H OMINI ad beatitudinem munitura viam Natura, menti subtilissimæ rerum omnium cognitione informandæ, solum locauit in capite, vnde promptissimè perciperet, scitèque diiudicaret objectorum imagines ad se delatas per sensus fidelissimos nuntios: quorum alij in belluis, licet homine minus bellè temperatis, certis ex causis acutiores firmioresque. Sed vt aquilæ clarius cernant, vultures sagacius odorentur, talpæ vel surdo obruta elemento liquidius audiant, homo tamen cuius meliori conformationi, responderet temperiei dignitas, vnâ tangendi facultate eximiâ, & certissimâ reliquas animantes longè post se relinquit. Is sensus vt non priuatæ cuidam particulæ affixus, sed longè latèque fusus per vniuersum corpus, sic multarum, ac discrepantium rerum cognitionem capit: quas inter familiam ducit quicquid primas qualitates aut excellentes aut ignauas obtinet: quicquid deinde ex illis prodit, durumque est vel molle, graue vel leue, lubricum vel friabile, asperum vel læue, crassum vel tenue. Et horum alia speciei interuentu, quasi per parium (quemadmodum cæteris est familiare sensibus) alia ipsa per se cognoscit humanus tactus, cum summâ celerique vi conjunctus ad excipiendas rerum, quæ tanguntur, impressiones. Hæc multo obtusior in omnibus, quæ ab humanâ conditione recedunt, corporibus, seu pelle crassiori obdurerint, seu setis villisque rigeant, seu denique duriore alio operimento incrustentur, hebetiori sunt tactu, nec nisi objecta tardè deprehendunt. Vt temerè conuiciis oneres laudandam Naturam, Homo, quod inermem nudatâque cute te finxerit, qui obuias alioquin, & circumstantes res nec tam certò, nec expedite adeò esses discreturus.

T ACTIO, ceu sensus quælibet, perbellè succedet, quoties prætenues, ac lucidi spiritus profecti à principe viscere, ad partem à rebus omnibus optimè constitutam fluent. Quò hæc facile sentiat, nullum ipsi tangendæ rei vestigium sit impressum, necesse est, similiter cerebrum arx rationis, sensuumque omnium officina, nudum sit oportet, vacuumque ab omni re, quæ ipsius iudicium aut occupet, aut offendant. Nempe vt nitidissimam vestem vel vna corruperit macula, sic sentiendi instrumentum, quicumque id attingerit delibatus ab objectis typus. Porro nerui ad tangendum destinati, & cerebellorum instar toto corpore sparsi, suapte naturâ frigidiores, ac duriusculi, ipsaque cutis ex multis neruorum contexta reticulis, ne quam in fraudem inducantur, ac pro tepidis calida, pro duris habeant mollia, carnis vicinâ, spirituumque, & purissimi sanguinis rore sic contemperantur, vt qualitarum omnium mediocritate quadam ornati, rectum de omnibus ferre queant iudicium. Neque solum a tactus, verùm & ad ingenij præstantiam mirificè confert ista corporis humani conditio, quæ cæteras animantes, & alterum hominem alter vincit homo. Scilicet truncus est ille qui frigido, & duriore corio, velut cortice, induitur; solers autem, & ingeniosus, cuius mollis cutis & tenera, defæccato sanguine tersioreque spiritu continenter irrigatur.

S V A quidem est vnique sensui voluptas, vt & suus dolor; maximè tamen istæ duæ res ad vnum pertinent tactum, qui ob eximiâ, qua gaudet, principum qualitarum symmetriam, mirum quantum aduersi, & immoderati sensilis incursum lædatur, quantum amici, temperatique complexu blandè suauiusque titilletur: Ille nempe vim infert corpori, hic blanditur; ambo tamen pene paribus in hominum vitam grassantur insidii. Alius doloris impatientiam spontaneâ morte redemit; alius incredibili quadam voluptate cæcus lucem sibi eripuit, quam posthumò transmittibat. Tantum valeat additum venereæ fecunditati incendium: homini quidem commune cum belluis, sed vt illum magis inflammât, sic has minus ex cruciat dolor. Obtusior ista tangendi vis, soboles est temperationis ab impuro, crassiorique sanguine procreatæ, quæ & exquisitorum tactui, & solertiori menti prorsus est inimica. Præstantius quippe tactus, & mentis longè arctior est conjunctio, quam huius cum aliis sensibus. Est cui quod infirmioribus oculis auribusque deest ad ingenij præstantiam esse conuersum, est vbi mentis penuriam, tactusque tarditatem excellenti alio sensu compensauit natura; quæ eiusmodi animantes sic finxit, vt oculis auribusve fabricandis acrius intentâ cæteras corporis partes minus curauerit: Hominem verò primarium opus & stupendum audacis industria suæ specimen editura, quatuor quidem sensus intra mediocritatem dedit, tactum verò, quem non modo manui, sed toti etiam in seuit corpori, ad summum perfectionis apicem euexit: addiditque præter mentem, quicquid in illis desiderari amplius poterat, incredibili iudicij acrimoniâ suppleturam.

Est igitur homo exquisitissimi tactus quia rationis compos.

DOMINI DOCTORES DISPVATVRI.

M. Petrus le Large.

M. Claudius de Frades.

M. Tussanus Fontaine.

M. Antonius Ioannes Morand.

M. Ægidius le Bel.

M. Franciscus Pajor.

M. Michael Denyau.

M. Abrahamus Theuarr.

M. Florimundus Langlois.

Proponebat Lutetiæ NICOLAUS BONVARLET Rethellinus, A. R. S. H. M. DC. LX.

